

17. oktober

UKA2018/121  
UKA 2018/159

**Taaguutinik akuersissuteqartarnermi oqaasileriffiup sulinera nalilersuiffigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalilersuineq inaarsarneqassaaq UKA2019 tikitsinnagu, kalaallisut taaguusersuinerup ineriartortinneqarnissaanut suliat annertusarnissaannut innersuussutinik aamma imaqartinneqassaaq.**

(Siumup inatsisartunut ilaasortaataitai)

**Oqaasiliortut peqatigalugit inatsisilerinermi kalaallisut oqaatsinik ineriartortitsinermik akuersinissamillu suliaqarnermik Naalakkersuisut salliutsitsinissaat pillugu Inatsisartuni aalajangiiffigisassatut siunnersuut. Taamattaq Naalakkersuisut Oqaasiliortunik oqaloqateqarnermik kingorna UPA2019 sioqqullugu sulinissamut piffissamut pilersaarummik saqqummiussinissaannik peqquneqarput.**

(Inuit Ataqtigiit Inatsisartuni ilaasortaataitai)

Siumumiit oqaatigineqartut imaattumik oqaaseqarfigissavagut.

Siumut pingaartittuuvuaa Kalaallit nunatsinni ineriartortuarnissaq nukittuumik, oqaatsit pineqartillugit inerisaanissaq Siumumiit pingaartingaarlugu inerisaaqataaffigiuassavaput.

Nunarsuatsinni ineriartorneq assigiinngitsutigut sukkasuumik ingerlanneqarpoq. Nunatsinnilu aamma sapinngisatsinnik malinnaalluarnissarput Siumup pingaartitariuarpaa. Kalaallit oqaatsigut nukittuumik inissisimanissa Siumup anguniartuuvuaa. Kalaallisut oqaatsitta akuerisaasumik ingerlanneqarnissaat ineriartornissaallu pingaartittuullugu. Taamaammat uani oqariartuutigineqartut siunissaq aggersoq pingaartillugu ilinniarfitsigut allatigullu oqaatigut ineriartortuarnissarput Siumup peqataaffigilluassavaa.

Nunarsuarmi oqaatsit tammartarnerat nutaanillu pilersoaqarnera takornartaanngillat, taamaammat ineriartornitta nassatarisaanik nutaaliortuarnissaq naleqqussaajuarnissarlu pisariaqartuassapput.

Siumumiit nuannaarutigivarput kalaallit oqaatsitta Naalakkersuisuniit pingaartinneqarlutik inerisaanissamut peqataarusullutik iliuuseqarniarmata, aningaasanillu inerisaanissamut atugassanik immikkoortitsillutik.

Naggataatigullu Siumumiit Naalakkersuisunut googlekkut nutserissut ukiut arlallit matuma siornatigut aningaasanut inatsisikkoorlugu aningaasaliiffigineqarnikuusoq suliaq sumut killinnersoq paaserusupparput.

Taamatut oqaaseqarluta siunnersuutit marluk sussassaqtartunut ataatsimiititaliamut ingerlateqqinnissaa innersuussutigaarput. Ataatsimiititaliarlu sulilluarnissaanik kissaallugu.

Oqallilluarisilu

Mala Høy Kuko, Siumut